

صاحبی ، مدیری ، محرری :



آبونه بدلی :

سنه لکی ۱۰۰ غروش
آلتی آسانی ۵۰ »
اوج آسانی ۲۵ »

مخبر

۱۳۳۸

اداریو خانه سی :
شهرزاده باشنده (تعالی اسلام)
جمعیتی مرکز عمومی

مرکز توبی :
باب عالی جاده سنده اتحاد
تجارت کتبخانه سی

اسلامک نفعنه خادم مقالات
مع الشکر قبول و درج اولونور

یادانق شخصیتی دکل ، یازینک اهریق
نظر دفته آلیتیر

دینی ، علمی ، ادبی ، اجتماعی رشیدلک شهرری
مجموعه اسلامیه در

کلن یازیلردن شایان قبول کورولنلر تاریخ
صیراسیله درج اولونور .

عدد : ۶

۱۳۳۹ ربیع الاخرینه مخصوص نسخه

فی ۷ بوجوق غروش

منبرجات :

محفل دینی و علمی : تعلیم و تعلم حقنده بر حدیث شریف طاهر المولوی . امت اسلامیة نك قرین اسلامی واجکام شرعیة بی کیفیت تلقیسی اسکلبی محمد عاطف . غزالینک روح حقنده کی تلقیانی - آفسکیلی احمد حمدی . غلبه اخلاقیه حسین شمی . خریستان هلماسنک قرآن کریم حقنده حسن شهادتی - علی رضا . محفل تاریخی : مشرکین عربک مشهور یونلری - طاهر المولوی . تیکوشلی مرحوم - خواجه زاده سعید . ناصیل آغلامام - طیب حلمی . حسین هاشم بک مرحوم - مستجابی زاده غصمت بک - سهو المولوی . محفل فنی : علم هیئتک مبدای - سعدی .

محفل ادبی : جاهلیه آثارندن برقاج نمونه - فرید . دهوه ایله یاوروسی ، مهاجرلر معاونت لازم طاهر المولوی

ایتام اسلامه معاونت

ملکتمزده اوتهدن بری یکانه برشفقت و معرفت اوی بولونان دارالشفقه ده کی ایتام اسلامک اعلاشه و تحصیلترینه مدار اولق اوزره مکتوبلق کاغد و ظرف طبع ایتدیریلشدور . نورعثمانیه جامع شریفک ختکار محفلده کی (جمعیت تدریسیه اسلامیه) مرکزیه دارالشفقه ده یکر میشر یاره بدل ایله صاتیلمقده اولان یوکاغد و ظرفلرک اشترا واستعمالیله هم احتیاج مخبره بی تأمین ، همده بر امرخیره خدمت ایله مهلری قارئلریمزدن فی ایده وز .

ربیع دائرونک صورت استعمالی - احمد ضیا . دینی درسلر - مؤلفی آقسه کیلی احمد حمدی

اسلام یولی - « اسکلبیلی محمد عاطف . اسلام چیغیری - اسکلبیلی محمد عاطف

یونافع اثرلر ، میدان انتشاره قونولمش و عموم کتابچیلرده صاتیلمقده بولونمشدور . کرک ضیا بک افندینک ، کرک حمدی و عاطف افندیلرک قدرت فاضلانلری مجموعه ده کی یازیلریله مبرهن اولدیغدن اثرلری حقنده فضله سوزه لزوم کورمیورز . هر برینی مؤلفات جدیده مراقیلیرینه توصیه ایدرز .

آلتی آیلق آبونه لریمزک مدتی بونسخه ایله ختام بولدی . تجدید ایتمک ایسته یلرک و آدره سی ده کیشمش اولانلرک اداره یه معلومات ویرمه لری . مرجودر .

اعلان یاپدیرمق ایچین باب عالی جاده سنده کی (ترکیه اعلانات عمومیه شرکتی) نه مراجعت ایدیکز ،

مجله دینی و علمی :

تعلیم و تعلم حقنده بر حدیث شریف

كان علقمة بن سعيد رضى الله عنه يقول خطب رسول الله صلى الله عليه وسلم ذات يوم فأتى على طوائف من المسلمين خيراً ثم قال ما بال أقوام لا يفقهون حيرانهم ولا يعلمونهم ولا يعظونهم ولا يأمرونهم ولا ينهونهم وما بال أقوام لا يتعلمون من حيرانهم ولا يتفقهون ولا يتعظون والله ليعلمن أقوام حيرانهم ويفقهونهم ويعظونهم ويأمرونهم وينهونهم وليتعلمن قوم من حيرانهم ويتفقهون ويتعظون أولاً عاجلهم العقوبة في الدنيا ثم قرأ قوله تبارك وتعالى لعن الذين كفروا من بني إسرائيل على لسان داود وعيسى ابن مريم ذلك بما عصوا وكانوا يعتدون . كانوا لا يتناهون عن منكر فعلوه لبئس ما كانوا يفعلون ثم نزل صلى الله عليه وسلم . كشف الغمة - لعبد الوهاب الشعراني الله ورسوله اعلم مآلى :

« اصحاب كرامدن علقمة بن سعيد رضى الله عنه ديركه :

بركون رسول اكرم صلى الله عليه وآله وسلم حضرتلرى خطبه او قودى و مسلمانلردن بعضى جماعتلر حقنده خير ايله ثنا ايتدكدن صوكر :

(نهدن بر طاقم كيمسهلر ؛ قومشولرينه فقه وعلم اوكره تميورلر ، اولنره وعظ ونصيحتده وامر معروف ايله نهى منكرده بولونميورلر . نهدن بر طاقم كيمسهلرده قومشولرندن علم وفقه اوكره تميورلر ومتنصح اولمايورلر . الله حقى ايچين عالم اولان قوملر ؛ قومشولرينه علم وفقه اوكره تسينلر ، وعظ ونصيحتده وامر معروف ايله نهى منكرده بولونسونلر . جاهل اولان قوملرده قومشولرندن تعلم ، تفقه ، متنصح ايله سينلر ، يوقسه كنديلرينى دنيا ده جز الاندير مق صورتيله عقوبتلرينى تعجيل ايده رم .) بويوردى .

عليه الصلوة والسلام اقديمز ؛ بعده (لعن الذين

كفروا من بني اسرائيل على لسان داود وعيسى بن مريم ذلك بما عصوا وكانوا يعتدون . كانوا لا يتناهون عن منكر فعلوه لبئس ما كانوا يفعلون) آيتلرينى او قويوب منبردن ايندى . »

★
★★

شوحديث شريفك مال منيفنه دقت ايديلشدر يا ؟
نى حكيم عليه وآله اكل الصلوة والتسليم حضرتلرى ؛ مسلمانلرى (بيلن) و (بيلمه ين) ديهه ايكيه تقسيم ايدييور . صوكر ا بيلنلرك - عائله واقرباسنه شويلاه طورسون - بيلمه ين قونويه ، قومشويه بيله علوم شرعيه واحكام دينيه اوكره تملرينى ، او كي خافل همسايه لره وعظ ونصيحتله كنديلرينه امر بالمعروف ونهى عن المنكرده بولونمالرينى توصيه بويوروييور . بيلمه ينلركده بيلن قومشولرندن تعلم وتنصح ايله مملرى لزومنى خبر ويريريور ، حتى بويلاه يامالارينى ، يعنى بيلديكى اوكره تمين وييلمه ديكى اوكره تمينلرى عقوبت ايده جكنى بيلديرييور . مقامه پاك مناسب اولق اوزرده ده (لعن الذين كفروا الخ) آيتلرينى قرائت بويوروييور .

بو آيتلر ؛ سورة مائده آيات جليله سندن اولوب الله اعلم « بنى اسرائيلدن كافر اولانلره داود وعيسى بن مريم عليهما السلام لسانندن لعنت ايديلدى ، شو لعنتده اولنلرك عصيان وتجاوزندن ايلرى كلدى . بونلر ؛ ايشله دكلرى افعال سيئه دن بربرلرينى نهى ايتزلردى ، عدم نهيلرى طولاييسيله ده نه فنا بر حركتده بولونورلردى » مائده در . اوحالده آيتلرده كي وعيده وحديث شريفده كي تهديده اوغرامق ايسقه مزسه كز اى بيلنلر ! بيلمه ينلره اوكره تيكنز ، سزده اى بيلمه ينلر ! بيلمه دكلر يكنزى صوروب اوكره نيكنز .

طاهر المولوى

